

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

## **Die Klage**

**Schönhuth, Ottmar Friedrich Heinrich**

**Tübingen, 1839**

V. Aventure wie manz gewäfen heim sande

[urn:nbn:de:bsz:31-164028](https://nbn-resolving.org/urn:nbn:de:bsz:31-164028)

V. Auenture wie manz gewäfen  
heim sande.

**S**waz man der boten sande. 3818  
mit den mären after landen.  
die warn alle nu bereit.  
in het her Dietrich geseit.  
waz si da heime solden sagen.  
die boten riten dan mit chlagen.  
ieslicher cherte sa zehant.  
da hin vnt er was gesant.  
Doch liezen si da hinder in.  
des solt ir vil gewis sin.  
zergangene wnne.  
vil iamerhastez funne.  
ir vil lieben mage.  
in des todes wage.  
mit triefenden baren.  
unt die begraben waren.  
Da liezens och den marchman.  
man zoch schriende dan.  
vil lote ane maze.  
sin ros vf der straze.  
da si da riten ober lant.  
mit vrage ez niemen ervant.  
rechte waz in wäre.  
ia heten si diu märe.

geseit vil ofte gerne.

2842

do hete iz in der von Berne.  
so verboten daz siz musen lan.  
e daz si von im schieden dan.

**N**iemer wart iz noch geseit.  
vnze daz in Osterreich reit.  
daz Rodegeres gesinde.  
von maniger moter kinde.  
wart gegahet durch gewonheit.  
da der videläre reit.  
da wanden si der märe.  
daz iz der kunec wäre.  
oder Rodeger der riche.  
daz volch gemeinliche.  
vragte do den spileman.  
wa habt ir den kunec lan.  
In seit der videläre.  
daz sin herre wäre.  
noch in Hynenlande.  
mit manigem wigande.  
daz gelobten die da wolden.  
die märe vragen solden.  
der was so vil da bi den wegen.  
daz beide broche vnt siegen.  
allez was bestanden.  
Die von Hynenlanden.  
ze Wiene riten in die stat.  
mit zohnten si ze hofe bat.

ein frome saz darinne. 2870  
ein richiv herzoginne.  
Izalde ein vil schone maget.  
dine mohtez werden niht verdaget.  
an den boten siz ervant.  
si wart so iämerlich zehant.  
vnt also trorech gemvot.  
daz ir von hercen daz blvot.  
vzdräte da zem monde.  
ach we wie vbel gonde.  
si den boten dirre sagen.  
von der ionchfrowen chlage.  
erschäl ez sit vil witen.  
man begonde an allen siten.  
in der stat vberal.  
vben also grozen schal.  
die armen mit den richen.  
daz sich div klage gelichen.  
wol mohte so die iahen.  
die dort die klage sahen.  
vnt ovch mit chlage schieden dan.  
div chlage ir helfe da gewan.  
daz si no fvor mit breiten scharn.  
die boten chundenz nie bewarn.

**D**o erschollen disiv märe.  
vnder die borgäre.  
vnt vnder der kovfivte kint.  
div gvte stat div wart sint.

elliv eines todes wol. 3898

Do liezen in die boten wol.  
 vor leide zogen v3 Wienen.  
 daz iz noch wiste niemen.  
 daz wäre ir lieber danne leit.  
 swer zu zin vf der strazen reit.  
 der moße mit in geliche tragen.  
 sit ir iamer vnt ovch ir chlagen.  
 do si gevrieschen disiv märe.  
 in vil starcher swäre.  
 si hin ze Bechelaren rit.  
 niht nach gewonlichen siten.  
 noch nach ir alten rehte.  
 die Rodegeres knechte.  
 do si chomen in die marche.  
 ia myte si vil starche.  
 daz si verfwigen solden.  
 daz si doch sagen wolden.  
 Nu waren die maregrauinne.  
 bede an die zinne.  
 gestanden mit maniger frowen.  
 durch warten vnt durch schowen.  
 da si da vor vil diche ir man.  
 sach riten vroliche dan.  
 da front ovch manic schone meit.  
 Riten in grozer arbeit.  
 si do di boten sahen.  
 dem hofe wol so nahen.

daz si den stovp ob in sahen. 2929  
 ont lote zvo zin gahen.  
 daz enwas in niht ze leit.

**D**o sprach vil manic schone meit.  
 Loy dir si herre trähntin.  
 schowet frowe maregravin.  
 wir sehen dort lote riten.  
 von der hochgeciten.  
 da chomt gewislich min herre.  
 der trost was in ze verre.  
 zen Hynen bestanden.  
 von Bernotes handen.  
 ont ein vil michel teil ir wunne.  
 Der lantlote chynne.  
 chomen niwan sibem man.  
 von dem maregraven dan.  
 die andern warn alle tot.  
 si forten iamer vut not.  
 die da brahten sin gezowe.  
 Gotelint die frowe.  
 ont ir tochter si beide.  
 wanden lieb ane leide.  
 enpfahen als e' diche.  
 von lieben ovgen bliche.  
 Die knechte warn in den siten.  
 so si ze Bechelaren riten.  
 daz si vrolichen alle.  
 foren in manigem schaffe.

die alten mit den iongen. 2957  
 roften vnt songen.  
 dem was ez nu vil vngelich.  
 wande ieslicher hete sich.  
 gedrochet nider vf das march.  
 wande ir iamer was so starch.  
 daz si niht schallen chunden.  
 same e' ze manigen stunden.  
 Rvdegers ors Boymont.  
 wider sehnde an der front.  
 gie ez dem knappen an der hant.  
 der site was an im bechant.  
 so ez sins herren niht ensach.  
 daz ez vil ofte den zorn brach.  
 vnt lief wider vf den wegen.  
 nu was er leider gelegen.  
 der iz dar hete geriten.  
 vnt diche drose gestriten.  
 als von rehte ein edel man.

**S**in tochter govmen began.  
 der knappen gebare.  
 do ersooste diu vil chlare.  
 do sprach daz Rvdegere's kint.  
 frowe moter Gotelint.  
 daz ist doch selten her gesehn.  
 daz ich so lozzil habe gesehn.  
 in allen minen ziten.  
 mins vater boten riten.

Swenne aber si her quamen. 2985  
 wie wol wir daz vernamen.  
 daz si waren wol gemoot.  
 wäre et daz hochgeziten goot.  
 gewesen miner frowen.  
 des ich vbel mac getrowen.  
 Do sprach div alt margrauin.  
 rochtets got so sol si sin.  
 in allen vnschedelich organ.  
 nitwan daz ich von trovmen han.  
 erliten vil der sere.  
 dinen vater Rydegere.  
 sach ich hinten gar gra.  
 sin gesinde bi im da.  
 daz het bevallen gar ein sne?  
 von eime regen wart in we.  
 da von so wrdens alle naz.  
 vil liebiv tohter merche daz.  
 min hovbet was von hare bloz.  
 daz ich eins hars groz.  
 mines vahses niht entrvoch.  
 Ein gadem vinsten genvoch.  
 do hiez er mich do in gan.  
 ich want in in inrethalben stan.  
 nach mir besloz er do die tver.  
 nie mere chomen wir der fover.  
 vngerne wesse ich in drinne.

Do sprach div margrauinne.

des edeln Rodegers sint.  
 vil liebiv moter troome sint.  
 someliche senfte die andern storch.  
 ich sah och mins vater march.  
 hinte in troome springen.  
 vnt lute an im erchlingen.  
 hort ich die kovertivore sin.  
 no merche liebiv moter min.  
 einf wazzers ez getranch.  
 sa ze stete ez versanch.  
 Einander si niht mere.  
 sageten wan mit fere.  
 si giengen al zehant dan.  
 Do waren als ich gesaget han.  
 die boten chomen so nahen.  
 daz si al die lute sahn.  
 z'ir marstalle si do riten.  
 ninder nach ir alten siten.  
 gebarten no die knechte.  
 Die ritter nach ir rechte.  
 mit zyhnten giengen gegen in.  
 vnt hiezen willechomen sin.  
 den Ezelen videläre.  
 wol grozten helde märe.  
 die boten von der Hynen lant.  
 Dar nach enpfingen sa zehant.  
 ir herren ingesinde.  
 mit gedrocten Worten swinde.

hort man si antwrte pffegen. 3041  
 ia was iz allez gelegen.  
 da von si trogen hohen mvot.  
 iane chunden si dehein gvot.  
 von der hochgecite sagen.  
 ir herren harnasch sah man tragen.  
 die knappen von den rossen dan.  
 Gotlint merchen began.  
 do der knappen gebare.  
 sine wart in manigem iare.  
 nie so tvvrech gemvot.  
 ich nâme beheiner slachte gvot.  
 sprach si for diu mâre.  
 daz ich wiste in wære.

**D**o sprach der beste vnder in.  
 iv enbivtet triwe bernden sin.  
 genade vnt michel ere.  
 Ezel der kunec here.  
 vnt sines willen stäte.  
 der werch vnt ovch der râte.  
 weller iv immer sin bereit.  
 Daz wizzet mit der warheit.  
 Doch enbivtet iv min herre.  
 ern chome iv nie so verre.  
 ern wâr iv doch mit triwen bi.  
 vnt solt gelobben daz er iv si.  
 immer holt vor allen wiben.  
 vnt wil an dem willen beliben.

vnz an sinen lesten tac.  
 er enweiß niht ob er chomen mac.  
 wider heim inre tars cit.  
 der kunez im allez an lit.  
 er leite im eine heruart.  
 diu lange e' gesprochen wart.  
 die ist er wärlich no gevarn.  
 si sprach no muoz in got bewarn.  
 vnt allez himelische her.  
 er var lant oder mer.  
 oder swelhen ende er chere.  
 dorch siner martir ere.  
 so rooch in krist behoten.  
 daz Ezeln vinde wten.  
 mir niht enbonne mins man.

**D**iu magt do vragē began.  
 no saget mir boten gvote.  
 wie ist so ze muote.  
 mime vater Rvdegere.  
 daz muet mich harte sere.  
 wande mir ie so sprach diu meit.  
 ze vorderst wrden geseit.  
 diu märe swenner in sinis lant.  
 fande so zornic ich nie bevant.  
 minen vater deist mir swäre.  
 er enbyte mir doch diu märe.  
 Ine weiß wof im no si gedaht.  
 ez hat mich gar in angeft bracht.

got gebe daz iz rehte var. 3097  
 si wart vil sere missevar.  
 zehant si weinen began.  
 Do blicht och si ir mvoter an.  
 vnt erweinten do beide.  
 ich wän si der leide.  
 ermante do ir heree.  
 in nahete starker smerce.

**D**er bote sprach lat iwer klagen.  
 ich sol iv mer märe sagen.  
 di iv vil friontliche.  
 von dem herren Dietriche.  
 sint enboten in daz lant.  
 ia gebot vns der wigant.  
 bi den sinen hulden.  
 daz wir von waren scholben.  
 iv sageten den dieneft sin.  
 ern biot iv edel marcgrauin.  
 liebe vnt friontlichen mvot.  
 als er von rehte durch sippe tvot.  
 Irn dorfet och des niht vragen.  
 ob iv vnder iuern magen.  
 holder ie wrde man.  
 vnt heizet och daz wizzen lan.  
 diz bat er iv frome sagen.  
 daz er och inre zwelf itagen.  
 wil hie ze Bechelaren sehen.  
 Daz wolde got müht ez geschehn.

sprach do die maregrauinne. 3125  
 von allem mine sinne.  
 vrestes harte sich min mvot.  
 Do sprach die ionge maget gvot.  
 saget vns der märe mere.  
 Wie Chriemhilt die here.  
 enpfinge ir broder alle dri.  
 vnt wie si den helden wære bi.  
 die mit in chomen vnt och ir man.  
 oder wie was der groz getan.  
 gein Hagenen vnt Gunthere.  
 vnt ob si noch iht fere.  
 zornde hinc in beiden.  
 oder wie ist daz gescheiden.

**D**er bote sprach die kunigin,  
 gie mit freuden gegen in.  
 vnt enpfie si minnekliche.  
 si tet dem wol geliche.  
 daz si in troge holden mvot.  
 Ezele der konec gvot.  
 der enpfie die herren alle so.  
 sam er ir chomens wære vro.  
 vnt och alle sine man.  
 niemen ich da gesehn han.  
 der in troge deheinen haz.  
 Si sprach nu saget mir vmb waz.  
 lie der forste Giselher.  
 daz mir der ionge chonec her.

hi io her wider niht enbot. 3153

der vrage get mir groziu not.

Sit er mir niht enboten hat.

so fohrt ich swi ez darombe stat.

ich gesehe in nimmer mere.

ia sagte mir der here.

er wolde mich ze tvote han.

Die rede solt ir frowe lan.

wir liezen in vil wol gesont.

si choment her in churcer stont.

waz sol der rede mere.

Ezele der funec here.

die herren von im niht riten lat.

vnz er sich ir genietet hat.

daz enchan so gahes niht geschedn.

si wellent ich vil gerne sehen.

daz wizzet vil edeliv margravin.

so si wider riten an den Rin.

Darombe solt ir sorgen niht.

der konec ich vil gerne siht.

swenner no keret in sin lant.

so wil er ich frowe al zehant.

mit im foren ober Rin.

da solt ir kuniginne sin.

**D**irre logelichen märe.

ze schermen in ir swäre.

daz tet ir eime also we.

daz er niht langer mohte me.

verdulden inme hereen.  
 den schedelichen smercen.  
 swie gern ers hete loygen.  
 im erweinten sinis vogen.  
 da von erweinten ir mere.  
 Dio maregrauinne here.  
 ir trähene nider vliezen sach.  
 ir tohter schriende sprach.  
 Ach we vil liebiv moter min.  
 ich wen wir gar gescheiden sin.  
 von vrede vnt och von wunne.  
 ich wän min frowe ir chynne.  
 vil vbel habe enpfangen.  
 ez ist vns leide ergangen.  
 von scholden get vns weinens not.  
 si vnt min uater sint alle tot.

**S**ir einem do si daz gesprach.  
 ein wof vz sine halse brach.  
 mit zvo getanem monde.  
 er wande iz da ze fonde.  
 da mit verheln mühte.  
 deheinem hercen ez tohte.  
 daz daz verschwigen chonde.  
 do brach vz sine munde.  
 daz schrien mit dem blvte.  
 do der knappe gvote.  
 ane danc so lute erschre.  
 do wart den andern also we.

Daz sie erweinten al geliche. 3209  
 Do sprach vil iämerliche.  
 Div maregravin ich armez wip.  
 Daz ich ie gewan den lip.  
 Waz ich nu verlorn han.  
 freuden der ich hete wan.  
 Div muoz nu mit dem leide min.  
 gar von mir gescheiden sin.  
 Ir boten dorch iwer triwe.  
 lat mich niht in der riwe.  
 ich enwizze von schulden umbe waz.  
 dorch got nu saget mir daz.  
 wie schiedet ir von minem man.  
 do muose div loge ein ende han.  
 do sprach der videläre.  
 iwer klage ist vns vil swäre.  
 wir wolden ioch verholn han.  
 daz doch muolich moht ergahn.  
 wandez niemen verhelu chunde.  
 iru geseht nach dirre stonde.  
 den maregraven Rodegere.  
 lebnden nimmer mere.

**B**il lute begonde si do chlagen.  
 ia herre wer hat in erslagen.  
 er sprach daz tet her Gernot.  
 si slogen beide einander tot.  
 Do schre div muoter vnt och div meit.  
 wart ie von vridnden mer gechleit.

daz ist mir gar vnbechant.  
 swaz man da lute bi in vant.  
 oder sit chom zu dem schalle.  
 die erwsten alsam alle.  
 daz zen Hynen nie diu not.  
 so groz wart umbe der helde tot.  
 von dem starcken iamer so vefen.  
 der margravinne bresten.  
 began von monde daz blvot.  
 vnt ovch ir edeln tohter goot.  
 si vielen beide in unchrast.  
 so daz ir zohte meisterschaft.  
 vil gar vergaz der sinne.  
 Die lute nu warn inne.  
 worden wol der warheit.  
 swaz in märe ie wart geseit.  
 des gesazte si diz märe.  
 v3 freude in alle swäre.  
 Ir hercen iamer wart so groz.  
 daz man mit brvnnen si vergoz.  
 vnt naztese vndern vogen.  
 ir lip begunde loygen.  
 ob sie rehte sinne ie gewan.  
 daz beweinte wib vnt man.  
 vnt alle die da waren.  
 in der stat ze Bechelaren.

**V**on den andern man si trovoc.  
 do warn nothast genvoc.

die bede margrauinne. 3265  
do si wider chomen ze sinne.  
do hort man vnrechte lobe.  
haben nach ir trvete.  
Gotelinde die iamers richen.  
vil harte erbärmelichen.  
sprach ir tohter do ir beider.  
Ach ach nimmer leider.  
wirt nv meide mere.  
Wa wil min frow ere.  
nv beliben in den richen.  
sit also iämerlichen.  
die ere tragenden sint gelegen.  
wer sol nv forbaz pfelegen.  
sit ir verswunden ist div chraft.  
des hete gar die meisterschaft.  
min vil lieber vater Rodeger.  
frow ere div wirt nimmer mer.  
mit solchem wnsche getragen.  
als er si trvete bi sinen tagen.  
Der tot der hat die vnzoht.  
daz er niemen dehein floht.  
ze sinen frivnden haben lat.  
swenne iz an die rede gat.  
daz er entwiche gerne.  
Ja hete min neve von Berne.  
vil wol genert den vater min.  
moht iemen dem tode wider sin.

so wär min vater wol ernert. 3293  
done was ez vns leider niht beschert.

**D**o sprach der videläre.  
elliv vnser märe.  
sint iv von sinnen wol bechant.  
die von Amelyngenlant.  
die sint allesamt tot.  
ez genas mit grozer not.  
iwer neve her Dietrich.  
vnt hete man den kōnich rich.  
Ezelen zv dem strite lan.  
wir mofen in och verlorn han.  
Si sprach nv sagt mir Swämmelin.  
wie chom et daz der vater min.  
mit Gernote ie also zerwarf.  
wi fogte sich der zorn scharf.  
daz si ander solden slan.  
so minneklich so wir si lan.  
beten vz disem lande.  
ez was ein michel schande.  
daz man zwischen in beiden.  
den strit niht chvnde scheiden.  
er mohte noch genozzen han.  
daz sin brooder ist min man.  
vnt het im niht den lip benomen.  
von swes rate daz ist bechomen.  
dem wont vil vntriven bi.  
sin herce ist rehter triven vri.

**E**r sprach vil edel magt her. 8321  
daz tet frowe niemen mer.  
wan der kuniginne lip.  
des hat man vnt wip.  
engolten also witen.  
daz von den ersten citen.  
vnze an den iongsten tac.  
nimmer mere werden mag.  
geraten also swinter rat.  
des si doch chleinen frymen hat.  
wande si lit selbe drombe tot.  
von der diu lange wernde not.  
geschach in Hynenriche.  
si ligent al geliche.  
die vns da vreyde solden gebn.  
Doch mozt ir frowe wol gelebn.  
noch manigen lieben somer tac.  
swaz iwer freyden an den lach.  
die zen Hynen sint erlagen.  
die mozt ir ze iongest doch verklagen.  
wande got der weisen voget ist.  
ih rat iv an allen argen list.  
frowe vf mine triwe.  
daz ir ivch iwer riwe.  
mazet vnt also starker chlage.  
Der chynec giht al sin tage.  
die in got noch leben lat.  
er schaffe iv allen den rat.

den iv schoffe e' Rvdeger. 3349  
 der edel maregrave her.

**M**it soften wol dorch brach ir klage.  
 do was eroffent gar div sage.  
 unde wiez allez was ergan.  
 Die knechte wolden daz niht lan.  
 sine trogen Rvdegers gewant.  
 swaz sin was hin heime gesant.  
 da manz behalten solde.  
 swer do daz schowen wolde.  
 der sach da blvot varwen glanz.  
 da e' die ringe waren ganz.  
 daz was nv dorchel vnt schart.  
 dar inne ir trost erlagen wart.  
 dem Rvdegers wibe.  
 vnt anders manigem libe.  
 Nv hoop sich erste sonder not.  
 den gesten niemen niht enbot.  
 wederz wazzer noch den win.  
 wie lange wellen wir hie sin.  
 sprach der videläre.  
 ez ist in solher swäre.  
 div edele maregrauinne.  
 daz sie vor vnfinne.  
 ez niemen wol erbieten mac.  
 daz volch da anders niht enpfac.  
 in der byrch vber al.  
 beide vf vnt getal.

vnt in der stat zu Bechelaren. 3377  
 also iämerlich gebaren.  
 als si des not angie.  
 Div maregrauinne niht enlie.  
 sine endet mit iamer daz ir was.  
 wnder ist daz sie ie genas.  
 den tac vnz an daz ende.  
 ez heten ir selber hende.  
 den lip der wat gemacht bloz.  
 nie wart iamer also groz.  
 so mahte chiesen da.  
 div märe och fogten anderswa.  
 daz vil maniges hercen brönnen.  
 mit trähene vz ovgen rinnen.

**D**iv frome seneliche bat.  
 herbergen in die stat.  
 Ezeln boten gottliche.  
 der maregrauinne riche.  
 ir sinne do vil gar gebrast.  
 daz si den frivnt vnt den gast.  
 noch niemen wol erchande.  
 Do wolden och von dem lande.  
 die boten vf an den Rin.  
 do hete div ionge marcgravin.  
 ein teil wider ir sinne.  
 vil frivntliche minne.  
 enbot si Brvnhsiden.  
 der edeln vnt der milden.

si enbot och daz frovn Boten. 3405  
 ombe Giselher den goten.  
 wie si im gevestent wäre.  
 ont mit wie getaner swäre.  
 daz allez ende habe genomen.  
 ont wie ir allez ir dinch was chomen.  
 si enbot ir och daz Gernot.  
 ir vater het erslagen tot.  
 Brlooy Swämmelin gewan.  
 do chert er mit den sinen dan.  
 die rehten straze in Beyerlant.  
 da er den goten bischof vant.  
 daz was der herre Pilgerin.  
 zwischen der Doonowe ont dem In.  
 da dich nov selbe stat stat.  
 Pazowe si den namen hat.  
 da saz derselbe bischof.  
 sin lop sin ere dar zwo sin hof.  
 diu waren vil witen märe.  
 dem chomen disiv märe.  
 daz siniv lieben swester chint.  
 wären tot beliben sint.  
 mit allen ir wiganden.  
 in Hynischen landen.

**D**ie boten riten halbe dan.  
 do wart dem bisschof chvnt getan.  
 daz die boten mit den mären.  
 siner neven chomen wären.

do er hete daz vernomen.  
er sprach die sin willechomen.  
man sol si wol enpfahen.  
nu solt ir alle gahen.  
mine frivnt vnt mine man.  
swer mir deheiner eren gan.  
vnt enpfahen die wigande.  
mit freuden zvom lande.  
da wart von gahen michel nor.  
sit sagte man im daz si tot.  
zen Hynen wären belegen.  
Er sprach Himelischer begen.  
wie hete ir danne an mir getan.  
zehant da chom for in gegan.  
der Ezeln videläre.  
nach grooze er in der märe.  
vragen do begonde.  
er saget im an der stonde.  
wiez allez dort geschach.  
wanderz horte vnt sach.  
Vor leide erweinte der bisschhof.  
ober die stat vnt in den hof.  
hoop sich grooiz ungehabe.  
die pfaffen mosen lazen abe.  
dvrch chlagen vil ir tagecit.  
wan da weinten wider strit.  
die leyen mit den pfaffen.  
der bisschhof begonde schaffen.

daz si ir chlagen liezen sin.  
 do sprach der gvote Pilgerin.  
 ich chan mich des versinnen.  
 moht ich sie wider gewinnen.  
 beidiv mit weinen vnt mit klagen.  
 so wolde ich nimmer gedagen.  
 vnze mir miner swester chint.  
 die mir so iämerliche sint.  
 in Hvnischen landen.  
 mit manigen wiganden.  
 in gvten triven erslagen.  
 die ich nimmer chan verklagen.  
 alle mosen werden wider.

**D**o sander allenthalben sider.  
 nach mvenichen vnt nach psaffen.  
 der bischof begvnde schaffen.  
 nach christenlichem orden.  
 den di da waren svr worden.  
 die prister die messe singen.  
 Die glochen hort man chlingen.  
 allenthalben in der stat.  
 zen chirchen als der bischof bat.  
 zem opfer was do groz gedranch.  
 Der bisschoff ovch selbe sanc.  
 got von himele zen eren.  
 vnt ir heil ze meren.  
 finer mage die da waren tot.  
 der herre troce di iamers not.

Do gote da gedienet wart. 3489  
 die boten wolden an die vart  
 gegen Wormze riten.  
 Ir solt noch langer biten.  
 sprach zu zin ein Kappelan.  
 ir solt hin ze hove gan.  
 min herre bat iv sagen daz.  
 er wil wän ich eteswaz.  
 bi iv enbieten an den Rin.  
 froon Wten der swester sin.  
 ombe ir grozen swäre.  
 Do chom der videläre.  
 ze hofe for den bisschof.  
 er sprach vnt ist Ezeln hof.  
 mit solher not zergangen.  
 so hat vil vbele empfangen.  
 Chriemhilt div nistel min.  
 ir broeder vnt die rechen sin.  
 si möhte baz han getan.  
 vnt het doch genesen lan.  
 Gifelhern vnt Gernot.  
 die ir Sivriden slozen tot.  
 vnt hetens die engolten.  
 so wär sis umbescholten.  
 wande in slove doch Hagene.  
 des haben wir ze chlagene.  
 nach friunden immer mer genvoc.  
 daz in sin moter ie getrooc.

daz muze got erbarmen. 3517  
 daz von im vil armen.  
 disiv grimmen märe.  
 vnt och so starchy swäre.  
 so witen ist erstanden.  
 mit iamer in den landen.

**S**wämmli sagt der sweker min.  
 daz si ir chlagen laze sin.  
 si wären doch da heime tot.  
 der Nibelunge golt rot.  
 heten si daz vermiten.  
 so mohten si wol sin geriten.  
 zir sweker mit ir holden.  
 von ir selber scholden.  
 vnt von ir starchy obermvoht.  
 so haben wir die rechen gvot.  
 verlorn in Ezeln riche.  
 leider vil tynpliche.  
 Vnt saget der koniginne.  
 daz ich vom mime sinne.  
 ir niht bezzers raten chan.  
 wande ich ir wol gotes gan.  
 daz si chlage ze mazen.  
 man muze die varen lazen.  
 die vns täglich nimt der tot.  
 daz ist ein gewonlich not.  
 swa man daz von im vernimmt.  
 wan im anders niht enzimt.

wan daz er liep von liebe schelt,  
 vnz er vns alle hin gezelt.  
 der tot anders niht enchan.  
 Vnt sagt och Gunthers man.  
 daz si ir triwe nicht enchrechen.  
 vnt reht daran gedenchen.  
 wie wol ir der chynec yslac.  
 mit grozen eren manigen tac.  
 daz si tvon ir triwe schin.  
 vnt in bevolhen lazen sin.  
 daz sin vil vvenige fint.  
 des doch nu div erbe sint.  
 daz si im also bi gestan.  
 als si des ere wellen han.

**S**wämmil lobt an mine hant.  
 so do wider ritest dorch div lant.  
 so chere frivnt her ze mir.  
 daz diene ich immer hinze dir.  
 ez sol niht so beliben.  
 ich wilz allez lazen scriben.  
 die sturme vnt der rechen not.  
 vnt wie si sin beliben tot.  
 swaz do des warn habst gesehn.  
 des soltu danne mir veriehn.  
 Dar zuo so wil ich vragen.  
 von iegeliches magen.  
 ez si wib vnt man.  
 swer iht der von gesagen chan.

da vinde ich wol die märe. 3573  
 wande; vil vbel wäre.  
 ob ez behalten wrde niht.  
 ez ist die groziste geschicht.  
 die zer werlde se geschach.  
 Swämmil antvrt vnt sprach.  
 ir solt werden wol gewert.  
 alles des ir herre gert.  
 vrloyp nam er do von dan.  
 Do hiez der bisschop sine man.  
 si beleiten vf den wegen.  
 so verre vnt er ir mohte pflegen.  
 mit spise vnt mit gewarheit.  
 des bisschopes geleite von in reit.

**D**o si vf in Bayern quamen.  
 vnt si daz wnder da vernamen.  
 daz zen Hynen was geschehn.  
 genuge vnder in begvnden iehn.  
 Got von himel sis gelobt.  
 daz et Hagene hat vertobt.  
 ern wolde des todes niht enbern.  
 niemen in chonde strifs gewern.  
 er ist doch chomen an die stat.  
 da er ist strites worden gesat.  
 man hats im wän ich nu genvot gegeben.  
 man gesach nie man so vngern lebn.  
 sin vbermvoht in dazuo twanch.  
 daz er nach dem tode ranch.

vnz er den lip doch verlorn. 360a  
 er hat vil dil dicke sinen zorn.  
 errochen an vil manigem man.  
 die nie scholt hinc im gewan.  
 daz im got gebe leit.  
 Der bote balde for sich reit.  
 im wart von niemen niht getan.  
 dorch Ezeln moose man daz lan.  
 wan daz si in ir gabe gaben.  
 do cherten si dorch Swaben.  
 mit disen mären an den Rin.  
 Swämmel vnt die gesellen sin.

**D**o si ze Wormez warn chomen.  
 da wart ir vasse war genomen.  
 ein teil man si bechande.  
 hi dem ir gewande.  
 daz was seltsäne gesniten.  
 nach den Hvnischen siten.  
 do wndert die borgäre.  
 dirre vrenden märe.  
 von wannen si dar wären chomen.  
 oder wa si heten genomen.  
 Gvnthers ros daz gvote.  
 do was in ir mvote.  
 ein teil den loten swäre.  
 e' si diu rehten märe.  
 von den boten vernamen.  
 Wf den hof do quamen.

die verre warn dar gesant. 2629  
 do was dem hove gesinde bechant.  
 beidiv ros vnt gereite.  
 niht langer man do beite.  
 ze hofe man sagte märe.  
 wie da chomen wäre.  
 der forsten waffen vnt ir march.  
 do wart div freude harte starch.  
 von Prvnhilt der richen.  
 si sprach vrolichen.  
 swär mir die märe rehte seit.  
 dem ist mitn miet vil bereit.  
 wa die boten habn lan.  
 vnser herren vnt ir man.  
 E' div rede geschehn was.  
 for der kuniginne palas.  
 die boten von rossen stonden nider.  
 daz gesinde gahte sider.  
 durch vragen der märe.  
 wa ir herre wäre.  
 Gynther der kunee riche.  
 ein teil blowefliche.  
 antwrt der videläre.  
 iane sol ich iv der märe.  
 sonderliche niht sagen.  
 ich solde billiche verdagen.  
 vnz hin da ihs sagen sol.  
 bringet mich so tvot ir wol.

ze hove for die kunigin. 3657  
daz liegen si do also sin.

**D**o gie ein Gunthers man.  
for die kuniginne stan.  
vnt fragte si der märe.  
ob daz ir wille wäre.  
daz die boten for si giengen.  
Die wir da vor enpfiegen.  
der ist vns einer niht bechant.  
si bringent mit in in daz lant.  
vnserre herren sarwat.  
Swämmelin da bi in stat.  
der Ezeln spileman.  
Si sprach nu heizest her gan.  
ich hete gerne nu vernomen.  
wenne die herren solden chomen.  
Man braht die boten gvote.  
ein teil in swärem mvote.  
ze hove for die chvnegin.  
si hiez sie wilkechomen sin.  
vnt bat ir sagen märe.  
wa der kuneec wäre.  
daz solt ir mich hÿren lan.  
wie wol ich ir der miete gan.  
die ich ir dar vumbe gebn sol.  
min heree deist mir sorgen vol.  
ob ir mir ringet des ein teil.  
deist iwer frvm vnt min heil.

ob ir daz chorzliche toot. 3635  
 gern gib ich iv min gvot.  
 des wunders nimmer werde ich fri.  
 die wile wi daz chomen si.  
 daz er mir niemen hat gesant.  
 der sinen den ich het erchant.  
 daz engetet er mir nie mere.  
 daz mvet mich harte fere.

**D**o sprach der videläre.  
 erlobet mir diu märe.  
 küniginne riche.  
 so sage ich baltliche.  
 swaz mir der märe ist bechant.  
 frowe ich dinge hie zehant.  
 deiz mir ane schaden si.  
 si sprach des solt ir wesn vri.  
 daz iv iemen durch daz iht to.  
 dane hat ovch niemen recht zo.  
 daz er die boten leide.  
 Ich wän min vgenweide.  
 mir ze verre si enpfarn.  
 die frowe enchonde nie bewarn.  
 sine weinte e' der märe.  
 Do sprach der videläre.  
 iv enbivtet lieb vnt gvot.  
 der riche forst hochgemvot.  
 vz der Hünenriche.  
 Von dem herren Dietriche.

ist io och dieneft enboten her. 3713  
 vnt heizet io sagen daz er.  
 mit rehten triwen iwer leit.  
 mit io vil innechliche kleit.  
 io entbiutet och den dieneft sin.  
 Von Pazzowe der bisschof Pilgerin.  
 vnt heizet io daz frowe sagen.  
 daz man mätzliche chlagen.  
 sol ein iesslichez leit.  
 er si io alles des bereit.  
 mit werchen vnt mit lere.  
 daz io an from vnt ere.  
 ze dirre werlde moege chomen.  
 ist si den schaden hant genomen.  
 so bitet alle skoniges man.  
 die iht triwe wellen han.  
 daz si ioch vnt iwer kindelin.  
 in wol bevolhen lazen sin.  
 wande iwer man der ist tot.  
 Giselher vnt Gernot.  
 di sint daz wil ih io sagen.  
 zen hynen alle dri erslagen.  
 Hagen vnt Volker.  
 vnt Danchwart der reche her.  
 di sint och tot bestanden.  
 mit in in Ezeln landen.  
 dar zoo ir mage vnt och ir man.  
 swaz si der mit in mohten han.

da si mit freuden wanden wesen. 3741  
 der ist einer nicht genesen.  
 si sint erstorben ober al.

**D**o hoopt sich der meiste schal.  
 der zen Hynen ie geschach.  
 so gahs von hercen nie gebrach.  
 bloot v3 deheime munde.  
 als ir da ze stonde.  
 brast von grozem leide.  
 die maregrauinne beide.  
 die da ze Bechelaren.  
 mit grozer chlage waren.  
 die enklagten nie so fere.  
 Pronhilt dir vil here.  
 chlagete wol in ir mazen.  
 dir vrage was nu lazen.  
 daz ze dem boten nie man sprach.  
 Swämmelin anders nicht ensach.  
 wan mit wintenden handen.  
 den iamer vaste enblanden.  
 den vogen ont der wäte.  
 ir iamer was so stäte.  
 daz si chlagten al gemeine.  
 Jane was ez doch nicht eine.  
 des kuncz Gunthers wip.  
 dir da qvelte den lip.  
 der klagende was noch mere.  
 Note dir frowe here.

von Lorse gahende quam. 3769  
 da si die mere dar vernam.  
 was ze Wormze was geseit.  
 von swäre so was ir bereit.  
 vil manic angeflücher mvot.  
 die märe laschten hohen mvot.  
 an manigem stolzen libe.  
 an manne vnt an wibe.  
 wuse freude verswinden.  
 Nie frowen wof so swinden.  
 man ze der werlt nie vernam.  
 e' daz si von ir huse quam.  
 do leit si an sich solhe not.  
 daz si nach was gelegen tot.  
 idoch braht man si dar.  
 do was enwage vnt och ervar.  
 daz volch mit lvttem wuse.  
 ir vnt der andern wuse.  
 enchonde niht gelichen.  
 die armen zu den richen.  
 geortieschen wol die märe.  
 was die klage wære.  
 dar nach in vil chorzgen ziten.  
 In Wormze der witen.  
 chlagten man wip vnt chint.  
 si holten Prornhilde sint.  
 bewainen wol ir stachen leit.  
 vil manic frowe vnt meit.

vnt och der voregraven wip. 3797

die quelten alle so den lip.  
 daz man bi freyden niemen vant.  
 In schonem hare manige hant.  
 erschachte ofte sere.  
 waz mag ich sagen mere.  
 wan daz ir Klage nie gelach.  
 mit iamer vnz an den dritten tuch.  
 die besten mit den besten.  
 chynde niemen getrosten.

**D**o chom och dar der lantschaft.  
 der goten belede ein michel chraft.  
 der drier edele chynige man.  
 der wise iz senften began.  
 der tombe iz mahte mere.  
 ia was des landes ere.  
 bi stvole nider gesezzen.  
 da von was vnvergezzen.  
 daz si da chlagen solden.  
 die besten nine wolden.  
 vergezzen so ir triwe.  
 sine senften pil ir riwe.  
 Prvnhilde der richen.  
 vnt schieden wislichen.  
 vil manie wip von leide.  
 Idoch was vil vreiden.  
 der kuniginne hoher muot.  
 ia ennoht si niht dunchen got.

swaz man ir raten chonde. 3825

Do chom och sa zestont.  
des kuniges schenke Sindolt.  
der diente diche triwen solt.  
also och von im da geschach.  
der helt ze der kuniginne sprach.  
Frowe lazet iwer klagen.  
iane chan doch niemen entsagen.  
wol dem andern den tot.  
wer nu minner disiu not.  
sine wrden doch niht lebhaft.  
der klage diu ungesvege chraft.  
muse doch ein ende han.  
Irn sit so eine niht bestan.  
ir moigt vil wol noch chrone tragen.  
ez mae in vil chyreen tagen.  
iwer son bi ir gechronet sin.  
so ergezzet ioch daz chindelin.  
vnt vns der grozen leide.  
vil liebe vogenweide.  
moigt ir an vns vinden.  
ir vnt iweren chinden.  
wir dienen ir sam vorhtlichen.  
so bi Gvnther dem tugende richen.

**S**i sprach nu mozt ir lonen chriſt.  
der aller dinge meister ist.  
daz iwer sin vnt iwer rat.  
min herce so geringet hat.

alrerste hiez man do for gen. 3853  
 die boten z'antwrtē sten.  
 daz si sagten märe.  
 wie ez ergangen wære.  
 Den iungen chonie man brahte dar.  
 Swämmel der stont vor der schar.  
 diu märe begunder also sagen.  
 daz Sivrit wilent wart erlagen.  
 des sint die helbe zen Hynen tot.  
 Genoge sprachē ane not.  
 hie ist mir min vater da belegen.  
 den sloe Hagen der degen.  
 ze leide sine wibe.  
 des sint si vome libe.  
 durch die rache dort gescheiden.  
 man gevriesch nie haz so leiden.  
 als im min frowe erzeiget hat.  
 min sin der chrest nine hat.  
 daz ihz iv kunne wol gesagen.  
 Des kuniges bruder wart erlagen.  
 der was geheizen Blodelin.  
 der was der erste vnder in.  
 ze tode sloe in Danchwart.  
 da der helt bestanden wart.  
 an der herberge bi den knechten.  
 des musens alle vehnten.  
 wan Hagen sloe des wirtes chint.  
 ze finer angesichte sint.

Des er doch wänich iht genoz. 3881  
 do hoop sich vngesveger doz.  
 Da mit sprongens in den srit.  
 di iwer dri konige sit.  
 des moos ez gen ober al.  
 do wart vil michel der schal.  
 von der swert chlingen.  
 Bil vngesvege dringen.  
 sach man die rechen zwo der not.  
 des lagens allesamt tot.  
 iene dort vnt dise hie.  
 ezn wart so herter storm nie.  
 ze der werlde noch gebohten.  
 die wile si iht mohten.

**W**on Alzeje Volker.  
 fromt diu gremlichen ser.  
 mit willigen handen.  
 ir schaden vnt ir anden.  
 der helt vil fromlichen rach.  
 dem man ie grozer eren iach.  
 vor den andern besunder.  
 da geschach vil michel wnder.  
 von chynen wiganden.  
 die v3 manigen landen.  
 mit maniger herlichen schar.  
 zer hochgecit chomen dar.  
 die mosen da beliben tot.  
 In der vil angefllichen not.

chynde niemen gestan.  
 der iht eren wolde han.  
 er moße zu dem strite.  
 in vil angefllicher eite.  
 wart gescheiden doch her dan.  
 her Dietrich vnt sine man.  
 der herre da von Berne.  
 der sach vil vngerne.  
 beidenthalp diu swäre.  
 Rodeger der helt märe.  
 lie och beliben den haz.  
 durch Giselher tet er daz.  
 der het enpfesent no sin chint.  
 daz half doch leider chlein sint.  
 wande si so vil der frivnde storen.  
 do si den grozen schaden chvoren.  
 daz si gemein griffen zuo.  
 daz volch allenthalben droo.  
 moße striten durch die not.  
 Ezel bat vnt gebot.  
 daz man reche sin chint.  
 Ouch warp diu chuniginne sint.  
 mit bete an Rodegere.  
 vnz er die degen here.  
 mit strite moße bestan.  
 da von er vnt die sine man.  
 in stürme moosen ligen tet.  
 er vnt der herre Gernot.

beide ein ander svogen. 3937  
 da von in haz do trygen.  
 die chynen Bernäre.  
 gehant die helde märe.  
 wolten rechen Rodegere.  
 doch het erz verboten sere.  
 sinen rechen her Dietrich.  
 doch was Wolfhart so gremlich.  
 daz er den strit niht wolde lan.  
 sine mosen iwer volch bestan.  
 e' iz herre do bevant.  
 der von Amelunge lant.  
 der was einer niht gewesen.  
 der in schade möhte wesen.  
 niwan der alde Hildebrant.  
 Der iuern frivnde man och vant.  
 deheinen lebende mere.  
 wan Gunther den kunec here.  
 vnt Hagen den Tronegäre.  
 Hildebrant disto märe.  
 mit einer wnden mose sagen.  
 die het im Hagen geslagen.  
 da von er chvom sit genas.

**D**o daz also ergangen was.  
 des erchom vil sere her Dietrich.  
 wan sin scade der was gremlich.  
 an magen vnt an sinen man.  
 gehant do gie der helt dan.

da er die rechen beide vant. 3965  
er vnt meister Hildebrant.  
mit iamer vnt mit sere.  
Ja het der degen here.  
noch genert gern si beide.  
done wolden si vor leide.  
nach den andern niht genesen.  
done mohtes ander rat wesn.  
sine räche her Dietrich.  
Gunther der kunec rich.  
bestont in moder als ein degen.  
sit twange in mit swert slegen.  
also der Bernäre.  
daz er den helt märe.  
zeime gisel doch gewan.  
darnach bestont in sin man.  
Hagen zo derselben front.  
daz ist genogen wol chvnt.  
sine heten in nimmer lan genesen.  
ob si gerowet solden wesen.  
Idoch twanger si beide.  
in vil starchem leide.  
antwort er si der kunigin.  
diu hiez si beide foren hie.  
vnt rach sich gremlichen.  
Gunther dem richen.  
hiezi si daz hobbet ab slan.  
Hagenen dem chonen man.  
si slooc mit ir selber hant.

dar umbe slooc si Hildebrant. 3994  
 er rach den degen here.  
 man vant da niemen mere.  
 der die sterben solden.  
 etlich gern wolden.  
 mit den andern wesen tot.  
 alsos liez ihs in der not.  
 von den ich her ziv bin gesant.

**I**r lute hoben sa zehant.  
 von chlage harten grozen wof.  
 ir iamer iz do also schwof.  
 si gedahten schaden vnt not.  
 Sit chlaget ovch vnz vf den tot.  
 Vnte div trgentriche.  
 nach den helden iämerliche.  
 den ir vil lieben chinden.  
 niemen chonde ervinden.  
 daz si trosten chonde vz chlage.  
 dar nach an dem sonsten tage.  
 div frowe lac vor leide tot.  
 Wil chome von derselben not.  
 genas sit div kuniginne.  
 si lage ovch in vnfinne.  
 vnz man mit wazzer si vergoz.  
 des volches chlage wart so groz.  
 in allem dem lande.  
 der Chriemhilde ande.

der was errochen sere.  
 Pronhilt div here.  
 do si sprechen began.  
 do gedachte si daran.  
 daz si vil wol erholte.  
 daz leit daz si no dolte.  
 div frowe iämerliche sprach.  
 owe daz ich ie gesach.  
 der edeln Chriemhilde lip.  
 do daz vil ere gernde wip.  
 mit rede erzvrnde mir den moot.  
 des verlos sit der helt goot.  
 daz leben Sivrit ir man.  
 da von ich no den schaden han.  
 ir wart ir freude von mir benomen.  
 daz ist ovch mir no leider chomen.  
 heim mit grozen riwen.  
 wer mohte des getrowen.  
 daz ez mir chome der zvo.  
 vil dicke rov iz mich dvo.  
 done chynde ihs leider niht wider tvon.  
 des mooz ich vnt min chleiner svon.  
 verweiset sin mit sere.  
 vnt mit iamer immer mere.

**W**er chynde vrede da gehalten.  
 div edel Bte wart begraben.  
 ze Lorse in dem mvnster wit.  
 da div frowe noch hivte lit.

4021

div goot vnt div vil reine.  
in eime sarche seine.  
div e' vor helden chrone trooc.  
dar umbe leide was genvoc.  
beide meiden vnt wiben.  
da was den schonen liben.  
von trähenen naz ir gewant.  
allez Gonthers lant.  
mit iamer was bevangen.  
Do chomen ze hove gegangen.  
die hohsten vnt die besten.  
swaz si des besten westen.  
der frowen vnt ir chinde.  
daz riet in ir gesinde.  
dar zvo des landes ere.  
sine wolden daz niht mere.  
so sere chlaget div chonigin.  
sane wolden ovch si vnder in.  
an einen voget niht bestan.  
Daz volch do raten began.  
man machete ritter daz kint.  
da von erlasche in ovch sint.  
ein teil ir vngesogen chlage.  
wir wellen daz er chrone trage.  
daz wir iht ane chonie sin.  
Do hiezen si daz chindelin.  
wol bereiten dar zvo.  
der Chronen ingesinde dvo.

4049

man wol hondert knappen vant. 4077  
den man daz swert ombe bant.

**D**o was och Romolt nu chomen.  
der het die mäere och vernomen.  
daz er was inne lande.  
mit triwen was im ande.  
daz sin vil lieber herre.  
mit schaden also verre.  
was v3 sine rate chomen.  
Wir han daz diche wol vernomen.  
daz er im getriwe wäre.  
die stolzen helbe mäere.  
Flagter vil seneliche.  
er sprach herre got der riche.  
daz ich ie wart geboren.  
mine herren die han ich verlorn.  
niwan von Hagenen vbermoot.  
die zallen eiten scaden tvot.  
do er Chriemhilde nam ir man.  
vnt dar zvo ir golt an gewan.  
in grozen vntriwen.  
ich sah ez an ir riwen.  
swie si3 an getrovege.  
daz man si drombe sloege.  
swenne iz och geschähe.  
Hagen ir manige smähe.  
sit zir grozen schaden bot.  
zallen ziten ane not.

des er niht tvon solde. 4105  
derz rehte merchen wolde.  
wandes im was gar ze vil.  
darumbe ihz ir niht wizen wil.  
Do si do zen Hynen frowe wart.  
do solden si die hove vart.  
vil pillich habn lan.  
hete min herre getan.  
als ich im mit triwen riet.  
do er von disem lande schiet.  
sone wär er dort niht erstorben.  
mit im sind verborben.  
die besten wigande.  
die in deheime lande.  
Ebnige ie gewinnen.  
oder immer gewinnen chynnen.  
die och mit in sint erlagen.  
sine chonden niht verklagen.  
bi in disen landen sint.  
man. wip. vnt kint.  
die richen zu den armen.  
no muz iz got erbarmen.  
daz chonde helfen niht min rat.  
da von daz lant no ane stat.  
frevde vnt maniger ere.  
vns mach doch leider niht mere.  
no gehelfen vuser Klage.  
No schaffet et daz chrone trage.

vnser herre hie der iunge.  
 vil gemeine ir aller zunge.  
 gay geliche do den rat.  
 niemen vns gesaget hat.  
 ob in also choreer sit.  
 ein also groziv hochgecit.  
 ie so herlich wrde erhaben.  
 ir leides wart ein teil begraben.  
 mit dirre hochgecite.  
 Wormze diu wite.  
 diu wart vol der geste.  
 ia heten si daz beste.  
 mit grozen triwen getan.  
 do sah man vnder chrone stan.  
 den iongen chvnece riche.  
 si enpfiegen gemeinliche.  
 ir lehen von dem chinde.  
 der hof vnt daz gesinde.  
 ir leit mit freuden sit vergaz.  
 wie der funec sit gesaz.  
 vnt wie lang er chrone mohte tragen.  
 daz chan ich niemen gesagen.  
 diu märe soln vns noch chomen.

**N**v het och Swämmelin genomen.  
 vrelouy heim ze lande.  
 der in da von im sande.  
 vnder die Bvrendenäre.  
 dem brahter disiv märe.



ich vnt die trotinne min.  
soln niht mer ellende sin.

4189

**S**waz Ezel vlegen chonde.  
oder biten zu der frönde.  
darumbe enwolden si zu niht lan.  
er moße ane si bestan.  
si vliessen sich zer reise.  
manic witewe vnt weise.  
moße beliben hinder in.  
Ezel verwandelte den sin.  
von den vil starcken leiden.  
do si von im wolden scheiden.  
Frome Herrat vrsloep da nam.  
den andern frowen niht enzam.  
niwan weinen vnt klagen.  
von der chameren wart getragen.  
ein satel der was riche.  
den diche wärdekliche.  
frow Helche hete geriten.  
of den satel was gesniten.  
der alle beste Sigelat.  
mit spähem wärche vbernat.  
vnt mit golde vnderwebn.  
von goten bilden vnt mit rebn.  
Jane chan ich in besunder.  
niht gesagen daz wunder.  
wie dem wärche wære.  
von golde was er swære.

vnt von edelm gesteine. 4217  
 Koniges wip deheine.  
 bezern satel nie gereit.  
 diu vil richen pfäretchleit.  
 hingen nider vnz vf daz graz.  
 Do si no gar bereitet was.  
 zir verte als si gelofte.  
 die frowen si do chofte.  
 beide groz unde chleine.  
 vnder was deheine.  
 sine weinte also sere.  
 sam do Helche diu here.  
 mit tode was von in bechomen.  
 so swinder vrlopy genomen.  
 wart niemere von frowen.  
 daz mohte man da wol schowen.

**D**o si von dem wirtze vrlopy genamen.  
 vnt e' si vzem hofe quamen.  
 der kunec vil nider for tot.  
 im gap der iamer solhe not.  
 daz er der sinne niht behielt.  
 vnt also chrancher wizze wielt.  
 daz er gar vnversonnen lac.  
 lebt er sit deheinen tac.  
 des het er doch vil chleinen frowen.  
 wan im was an sin herce chvmen.  
 diu rime also manicvalt.  
 daz in daz leit mit gewalt.

lie selten sit gesprechen wort. 4245  
 ern was weder hie noch dort.  
 ern was tot noch en lebte.  
 als in einem twalme er swebte.  
 dar nach ine<sup>z</sup>weiz wie manigen tac.  
 Swie grozer herscheste er pflac.  
 von rittern ellich groz gedranck.  
 wäre ein tac eins iars lanch.  
 sine wären nimmer von im chomen.  
 bi im heten si genomen.  
 den tot willechliche.  
 beide arme vnde riche.  
 die sahen in als die sunnen an.  
 daz wuse nv allez ende han.  
 Dar zu was er nv gedigen.  
 daz si in eine liezen ligen.  
 ont niemen vf in niht enahte.  
 wie erz sit bedahte.  
 daz hat vns niemen nv geseit.  
 Zer verte waren si bereit.  
 dern wolden si niht habn rat.  
 do nam diu frowe Herrat.  
 swaz ir diu koniginne Helche lie.  
 doch moßtes vil beliben hie.  
 wände siz ninder bringen chonden.  
 doch forten siz an den stonden.  
 mit in swer iz hete gegert.  
 ez wäre hondert tosent march wert.

**D**o si nu warn vf den wegen. 4273  
do hiez her Dietrich der degen.  
Hildebrande den grisen.  
sine frowen wisen.  
gegen Bechelaren.  
da sine nisteln waren.  
ir gezoges was do niht mere.  
niwan diu maget here.  
vnt die einen zwene man.  
vnt daz ein soomere mit in dan.  
trvog ir golt vnt der frowen chleit.  
hey wie iämerliche reit.  
durch diu lant her Dietrich.  
si gaheten vaste for sich.  
mit iamer vnt mit sorgen.  
an dem sibenden morgen.  
die helede chomen waren.  
zer borch ze Bechelaren.

**D**ie lute vrieschen märe.  
daz da chomen wäre.  
der herre von Berne.  
daz volch iz horte gerne.  
man seit iz Dietlinde.  
dem Rodegeres chinde.  
diu was noch in grozer not.  
wande ir myoter diu was tot.

da vor anme dritten tage.  
 sine mohte niht ertovgen die flage.  
 ombe des marcgraven lip.  
 des mose daz vil werde wip.  
 sterben vor dem leide.  
 Die iwnefrowen beide.  
 man do zesamme brahte.  
 ir iesslich do gedahte.  
 freude vnt grozer sere.  
 in zohtechlicher ere.  
 si diche einander chusten.  
 do twanch zuo den broosten.  
 Dietlinden frow Herrat.  
 si sprach din mac werden rat.  
 so lebn min frivnt her Dietrich.  
 do solt wol gehaben dich.

**S**i sprach leider min wol gehaben.  
 daz ist allez nu begraben.  
 an vater vnt an mvoter.  
 so vil frivnde gvoter.  
 ich wen verlover ie mer meit.  
 In klagelicher arebeit.  
 vant si do her Dietrich.  
 dir iwngen maget lobelich.  
 trost er als eine frowen sol.  
 Nistel nu gehabe dich wol.  
 vnt senste diner leide.  
 ia rivent si mich beide.

der vater vnt die mooter din. 4327  
 die mooze ich immer mer sin.  
 chlagende vnz an minen tot.  
 oberwinde ich mine not.  
 vnt chom ich immer in min lant.  
 daz lobe ich frowe an dine hant.  
 daz ich dich gern scheide.  
 von allem dime leide.  
 so ich aller verst kan.

**D**iv maget sicherheit gewan.  
 von dem Bernäre.  
 so sprach der helt märe.  
 sol ich deheine wile lebn.  
 ich wil dich eime manne gebn.  
 der mit dir bowet diniv lant.  
 hie mit bevalh er sa zehant.  
 die magt ir vater mannen.  
 do schieden si von dannen.  
 Lachende ez nicht seach.  
 do von ir ritende sach.  
 Herraten div marcgravinne.  
 von allen ir sinnen.  
 erbibete si vil sere.  
 daz div vil michel ere.  
 an si einen so gar was chomen.  
 Doch wart ir sieder war genomen.  
 als ez ir eren von rehte zam.  
 irn was da niemen so gram.

der ir ret beheinis leit. 4355  
 Alsof wart die meit.  
 mit triven vnt mit stäte.  
 als ir gelobet hâte.  
 her Dietrich da von Berne.  
 des erbeite si do gerne.  
 vnt wartt also der stunde.  
 so si beste moht vnt chonde.

**W**ie ez Ezeln side ergienge.  
 vnt wie er sin dinch an gebienge.  
 do her Dietrich von im gereit.  
 des enchan ich die hwarheit.  
 iv noch nieman gesagen.  
 someliche iehent er wrde erslagen.  
 so sprechent someliche nein.  
 vnder disen dingen zwein.  
 chan ich der lyge niht verdagen.  
 noch die wareheit wol gesagen.  
 wan da hanget zwifel bi.  
 Des wunders wurde ich nimmer vri.  
 weder er sich vergienge.  
 oder in der loft enpfienge.  
 oder ob er lebendich wrde begraben.  
 oder ze himel vf erhaben.  
 oder ob er vz der hute treffe.  
 oder ob er sich verslveffe.  
 in locher der stainwende.  
 oder mit welhen ende.

er von dem libe qveme. 4383  
 oder waz in zoo im neme.  
 ob er svere inz abgronde.  
 oder ob in der tiwfel verslonde.  
 oder ob er svß verswnde.  
 daz en hat noch niemen erfonden.  
 Bus seit der tihtäre.  
 der vns tihte diz märe.  
 ezn wär von im so niht beliben.  
 ern hete ez gern gescriben.  
 daz man wiste div rehten märe.  
 wie ez im ergangen wære.  
 wære ez im inder zwochomen.  
 oder het erz svß vernomen.  
 in spels wise von iemen.  
 da von weiz noch niemen.  
 war der knnee Ezzel ie bequam.

**V**on Pazowe der bisschop Pilgerin.  
 durch liebe der neven sin.  
 hiez er scriben dizze märe.  
 wie ez ergangen wære.  
 In Latinischen bystaben.  
 ob ez iemen svr loge wolden haben.  
 daz er die wareheit hie fonde.  
 vov der alrersten svnde.  
 wie ez sich hvoy vnt mans began.  
 vnt wie ez ende sit gewan.

ombe der gooten knechte tot. 4410  
 vnt wie si alle gelagen tot.  
 daz hiez er allez schriben.  
 ern liezes niht beliben.  
 wan im seit der videläre.  
 diu chontlichen märe.  
 wiez ergie vnt ovch geschach.  
 wande erz allez an sach.  
 er vnt manie ander man.  
 daz märe prufen do began.  
 sin schribäre meister Conrat.  
 tihtet manigez sit hat.  
 vil dicke in Tuschär zungen.  
 daz die alten mit den iungen.  
 erchennent wol daz märe.  
 Von ir freuden noch von ir swäre.  
 ich is no niht mere hie sage.  
 Dizze liet haizet diu **Flage**.